

**Naaja H. Nathanielsen  
Attaviitsoq**

UPA 2016/126  
3. maj 2016

**Kommunit tamaasa suleqatiginissaat aallartisarniaqqullugu, kommunillu akornanni naligiinnerulernissaq siunertaralugu iliuuseqarnissamut periarfissaasinnaasunik qulaajaanissaq, tamatumani kommunit ataasiakkaat suliassanik isumagisassaminnik aningaasaqarnikkut periarfissaat eqqarsaatigalugu, taamatuttaarlu iliuuserisassat pineqartut aningaasatigut allaffissornikkullu kingunerisassaat qulaajaqqullugit Naalakkersuisut peqquneqarnissaattut Inatsisartut aalajangiiffigisassaannik siunnersuut. Qulaajaanissami aningaasatigut naligiissaarinnermut aqqissuussineq atuuttoq ilaatinneqassaaq, taamaattorli taannaanaq killiffigineqassanngilaq.**

(Inatsisartunut ilaasortaq Sara Olsvig, Inuit Ataqtigiit)

Oqallinnissaq pissanganartuuvoq. Kikkulluunniit paasisinnaavat inuiaqatigiinni pissarissaartuni pisuut piitsullu akornanni isertitatigut assigiinngissutaasoq angivallaartussaannngimmat.

Inuiaqatigiit pisuussutai naammaginartumik agguataarneqartariaqarput. Nammaqatigiinnermut tunngavoq inuiaqatigiinnilu eqqissisimannnginnermut naalarulunnergimullu

ungalassimaartitsisuulluni. Taamaattumik inuiaqatigiit pissarissaartut ataatsimoorussanik akeqanngitsunik ajunngitsorsiaqarnissaq pingaartittarpaat soorlu aamma innuttaaqataasut

aningaasarsiorinnikkut inuuniarnikkulluunniit ajornartuulissagaluarpata tunngaviummik ikiorserneqarsinnaanerannik periarfissiisoqartartoq. Inuiaqatigiilli pissarissaartut qanoq

pissarissaarnerat inuiaqatigiit isertitaanit aalajangerneqartarpoq.

Inuit Ataqtigiinniit una siunnersuut aqutugalugu suliart ugartugaat ingerlallereerput.

Taamaattumik isumaqarpunga siunnersuut ineriartortinneqarluarsinnaasoq. Siunissami nuna tamakkerlugu nutarterinissami ilisimassallugu iluaqutaassaaq, suut iliuuseqarfignarsariaqartut atukkatigut assigiinngissuseq akiorniaanni.

Peqqinnissaqarfik akiliiffiunngitsoq tupinnartuliaavoq. Inuiaqatigiittut pissarisaartut tunngaviuvoq initoorujussuaq. Kisiannili naammannngilaq akeqanngitsuunera.

Peqqinnissaqarfiup nuna tamakkerlugu sullissinera naammaginartuua? Arlatigut equngasoqarpa. Assersuutaasinnaavoq kigutigikkut peqqissusermi aamma siusinaarluni iliuuseqarniarnermi. Inuiaqatigiittut atukkatigut assigiinngissuseq siuarsarparput, illoqarfinni minnerusuni ikinnerusunik neqerooruteqarnitsigut?

Meeqqaat atuarfiammi? Atugarisatigut assigiinngissuseq siuarsarneqarpa meeqqanut immikkut pisariaqartitsisunut meeqqat atuarfianni amigartunik neqerooruteqartarnikkut?

Sammisat qitiusut ilagaat ingerlatsinermut isumaqatigiissutit assigiinngitsut. Taakku pilersinneqarput nuna tamakkerlugu sullinneqarnermi sulisoqarnermilu nuna minnerpaaffiliiniarnertut. Soorlu assartuussinerni, niuertarfinnik ingerlatsinerni, tunisiveqartitsinerni silaannakkullu angallatsitsinerni. Sullissinermi isumaqatigiissutit

**Naaja H. Nathanielsen**  
**Attaviitsoq**

Namminersorlutik Oqartussanit ilusilersorneqartarput. Ullumi isumaqatigiissutigaarput inuiaqatigiit qanoq akiliissasut inoqarfinni inukinnerusuni sullissinermut minnerpaaffiliinerit sumiinnissaannik? Imaluunniit aningaasatigut periarfissiinerit, naalakkersuinikkut ilimagisat innuttaasullu akornanni ilimagisaasut akornanni equngasoqarpa? Inuiaqatigiit akornanni soqutigineqarluartunut oqallinnernut malinnaagaanni akuttunngitsumik equngasoqartarnera uppernartarpoq.

Siunnersuuteqartut Naalakkersuisullu isumaqatigaakka, kommunit akornanni naligiinnerulernissamik anguniagaqarluni oqallinnissamik pisariaqartitsisoqarmat. Taamaakkaluartorli kommunit akornanni atugarisatigut assigiinngissuseq oqallisigisinnaanngilarput Namminersorlutik Oqartussat inissisimanagerat avaqqullugu. Inuiaqatigiinni pissarissaartuni Namminersorlutik Oqartussat qitiusumik inissisimasuni akisussaaffeqarnerat suliamut ilannguttariaqarpoq. Siunnersuut ataatsimiitaliamut tulluuttumut innersuuppara aappassaaneerinninnissamullu taasitsutigisassaq ineriartortinneqarnissaannik siunnertuutigalugu.